

MEMORIA XUSTIFICATIVA DO CONVENIO DE COLABORACIÓN ENTRE A SA DE XESTIÓN DO PLAN XACOBEO E A ASOCIACIÓN EUROPEA DOS CAMIÑOS DE SANTIAGO PARA A XESTIÓN DO ALBERGUE DE PEREGRINOS “VIRXE PEREGRINA” DE PONTEVEDRA

A S.A de Xestión do Plan Xacobeo é unha sociedade mercantil pública autonómica de nacionalidade española e capital social integramente de titularidade pública, que se rexerá polo disposto nestes estatutos e, no non previsto neles, polo texto refundido da Lei de sociedades de capital, aprobado polo Real decreto legislativo 1/2010, do 2 de xullo; pola Lei 16/2010, do 17 de decembro, de organización e funcionamento da Administración xeral e do sector público autonómico de Galicia; pola Lei 5/2011, do 30 de setembro, de patrimonio da Comunidade Autónoma de Galicia, e polo resto de disposicións que lle sexan de aplicación.

Segundo establecen os seus estatutos, cuxa modificación foi autorizada polo Consello da Xunta, o 7/03/2019, constitúe o seu obxecto social a realización de actividades dirixidas á xestión dos servizos comúns da rede pública de albergues e do resto do seu patrimonio social, as relacións coas asociacións de amigos do Camiño de Santiago, así como a planificación, programación, proposta e, se é o caso, execución das actuacións para a promoción e a organización dos actos que se desenvolvan con motivo dos anos santos xacobeos, así como apoiar os distintos departamentos, entidades e comisións da Xunta de Galicia para o desenvolvemento das súas funcións neste ámbito (CNAE: 8411-Actividades xerais da Administración pública).

En concreto, constitúe o obxecto da sociedade, entre outras actividades, a xestión dos ingresos e gastos derivados do funcionamento da rede pública de albergues e do resto de edificios da entidade.

Actualmente a S.A. de Xestión do Plan Xacobeo é titular de 68 albergues de peregrinos nos Camiños de Santiago que conforman a Rede Pública de Albergues de Peregrinos do Camiño de Santiago.

A acollida e hospitalidade ás persoas peregrinas conforma unha peza básica na promoción do Camiño de Santiago e dos seus valores, e constitúe un dos principais recursos culturais e turísticos de Galicia como figura establecida no Plan Director e Estratéxico do Camiño de Santiago, 2015-2021.

A Sociedade xestiona directamente a maioría deste albergues. Porén, algúns deles están xestionados por concellos ou entidades privadas, para o cal se asinaron convenios de colaboración con tales entidades.

Este é o caso do albergue de peregrinos no concello de Pontevedra, sito na rúa Ramón Otero Pedrayo, o que ven sendo xestionado pola Fundación Camiño de Santiago, a través de convenio suscrito entre as partes o 2.01.2012.

O 20 de febreiro de 2014, o presidente da Asociación Europea dos Camiños de Santiago dirixiu unha solicitude á SA de Xestión do Plan Xacobeo, indicando que dado que a Fundación Camiño de Santiago está nun proceso de disolución, acordou solicitar á Asociación Europea dos Camiños de Santiago para que asuma a xestión do albergue de peregrinos “Virxe Peregrina” de Pontevedra, para que se firmase un novo convenio con esta Asociación.

A Asociación Europea dos Camiños de Santiago (AECS) está inscrita no Rexistro Central de Asociacións da Consellería de Presidencia e Administracións Públicas da Xunta de Galicia co número 2011/015537 é unha asociación cultural, ao amparo da LO 1/2002, do 22 de marzo, reguladora do dereito de asociación, e normas concordantes e as que en cada momento lle sexan aplicables polos Estatutos vixentes, que se constitúe cun marcado espírito europeísta na que se promoverán os valores da convivencia, a solidariedade e a tolerancia, símbolos europeos dos Camiños de Santiago.

A Asociación ten por obxecto, a revitalización, impulsión, recuperación, sostemento, promoción e divulgación dos Camiños de Santiago, e a satisfacción das necesidades físicas, morais e culturais dos/as peregrinos/as que a Asociación determine con arranxo aos Estatutos.

Dentro do seu obxecto fundacional entre os seus fins atópase o impulso a creación de albergues, así como atender a súa xestión, coidado e funcionamento.

Unha vez rematada a vixencia do acordo para a xestión do citado albergue, e dada a vontade das partes en continuar coa colaboración iniciada, cómpre a tramitación dun novo acordo, xa coa Asociación Europea dos Camiños de Santiago, dado o proceso de disolución da Asociación, e os fins que forman parte do seu obxecto fundacional.

O presente convenio ten por **obxecto** regular a xestión do albergue de peregrinos “Virxe Peregrina” de Pontevedra, sito fronte á rúa Ramón Otero Pedrayo, que sendo titularidade da S.A. de Xestión do Plan Xacobeo en virtude deste acordo será xestionado pola Asociación Europea dos Camiños de Santiago.

A titularidade do albergue segue correspondendo a S.A. de Xestión do Plan Xacobeo, que se fará cargo de todos os gastos que como titular lle correspondan.

Pola súa parte a Asociación faixe cargo dos gastos de conservación, mantemento e funcionamento do citado albergue, do persoal para atención e cobro ao peregrino, así como asumirá o custe da limpeza e arranxo das partes externas do albergue, incluídos os xardíns así como o custo do material necesario para o súa correcta conservación e mantemento.

Para o financiamento dos gastos derivados do funcionamento do albergue a Sociedade Anónima de Xestión do Plan Xacobeo establece un prezo para a utilización dos albergues en toda a Rede da súa titularidade.

A Asociación Europea dos Camiños de Santiago (AECS) comprométese á venda dos bonos proporcionados pola S.A. de Xestión do Plan Xacobeo para a utilización do albergue polos peregrinos. Ingresará o resultado da recadación obtida na conta designada pola S.A. de Xestión .

A S.A. de Xestión do Plan Xacobeo abonará o total da recadación obtida no devandito albergue á Asociación Europea dos Camiños de Santiago (AECS) para contribuír aos gastos asumidos en virtude do presente convenio.

No caso de que o total da recadación anual non cubra o importe dos gastos que en virtude da cláusula segunda deste convenio afrontou a Asociación no ano correspondente, esta expedirá unha factura á S.A. de Xestión do Plan Xacobeo polo importe que exceda da citada recadación, xustificando ante a S.A. de Xestión do Plan Xacobeo os gastos nos que se incorreu. Esta factura deberá presentarse nos tres primeiros meses do ano seguinte á anualidade a que se refira.

Así mesmo, cando a recadación anual supere os gastos da Asociación nese ano, esta deberá ingresar a diferenza na conta que designe a S.A. de Xestión do Plan Xacobeo, o que se fará nos tres primeiros meses do ano seguinte ao de referencia.

A S.A. de Xestión do Plan Xacobeo reservase o dereito a modificar o prezo establecido para a utilización dos albergues.

A presente colaboración resulta de interese para ambas partes, por redundar en beneficio das persoas peregrinas.

Os intereses converxentes das partes exclúen o ánimo de lucro e a onerosidade, polo que non se trata dun contrato, quedando excluído do ámbito de aplicación da Lei 9/2017, do 8 de novembro, de contratos do sector público.

A conselleira-delegada da S.A. de Xestión do Plan Xacobeo

Cecilia Pereira Marimón